

新修曲沃縣志

EM/60.201

36

2126

曲沃縣志序



周官外史掌四方之志而五比為閭閻二十五家閭胥書其敬敏任卹五族為鄙鄙五百家鄙正書其德行道藝歲終上之太史因以察其風土媿惡物產盈虛周知夫人民之苦樂蓋志者史之流實與史相為

曲沃縣志序

一

表裏者也顧稱史莫善於馬班而史記上自黃帝下訖炎漢曰紀曰表曰世家曰列傳凡百三十篇而遭秦滅學雜引世本國策黃老申韓以成書通人病焉班氏斷代為史而翔為古今人表遠徵二千餘人列以九品意為上下鄭樵呂祖謙楊慎輩競

相彈射况標序譌複時代舛違說者謂成
於馬續又謂班昭補之然隋志言建初中
班固奏表及紀傳惟十志未就而卒後命
大家續成之則表作於固也志雖叙述一
方凡山川財賦防守學校人物藝文之類
罔不勒之簡編以垂久遠顧陳留風俗衰

曲沃縣志序

二

陽者舊皆品藻羣流而方隅之形勝不與
焉荆楚歲時宜都山水皆詮次幽奧而人
物之臧否不存焉即唐李吉甫元和郡縣
圖志最名詳賅而宋以後非完書樂史寰
宇記以雲陵即雲陽以宋蒙門當漢蒙縣
以唐陵當楚棠谿且性嗜雜家於洛陽則

載樊元寶之為洛水神於潤州則載高驪
山海神以酒醴聘外夷女他如方輿勝覽
廣輿記諸書意在摭摭罔知考信非惟不
足以庀史則史之蠹也已亥之歲予承乏
茲邑下車之始即緝閱圖志雖屢經續輯
惜采擇未精登載失當因重加纂訂而悉

曲沃縣志序

三

心商榷體例一本古人其有關地利者圖
以經之其不勝紀載者表以緯之前有叙
述後有論斷立傳則據事直書徵文則刪
繁節要閱十月而歲事夫司馬溫公撰資
治通鑑彙一千三百六十二年首尾貫串
俾興亡治亂次第瞭然而進曹魏而抑昭

烈帝朱梁而寇河東又采取微冗日月或
差尚有遺議焉朱子繼之為綱目自以為
予奪褒貶羽翼麟經然宋去唐未遠而肅
宗朝竟脫二年之事又武德以至天祐甲
子亦舛其書法之是非無論矣蓋成之非
一人傳之非一日古聖賢原無求諒於奕

曲沃縣志序

四

世之心然則今日之所可自信者安知後
之人不又叢指摘也哉嗟乎史以昭千秋
之炯戒無事舞文弄墨而善惡自分志以
備一方之掌故無事繁徵博引而考鏡有
在是志與史交相為用而挈政教之本也
河東為京師右臂綰帶畿輔我

國家統一海宇休養生息二百年矣有司
奉宣德意而詢其疾苦間嘗訪新田之遺
址喬絳錯峙汾澮沿流尚期采風問俗與
此邦人士從容陶冶以歌詠樂利於無窮
而此書其嚆矢已

道光二十二年歲在壬寅孟秋

曲沃縣志序

五

邑令武威張兆衡書



舊志序

嘉靖三十年辛亥

邑令

劉魯生

恩縣

曲沃舊無志刻嘉靖戊申九月余承乏是邑纔踰月巡撫
舜澤蘇公移文來取縣志余實不文且初任未暇也因謀
諸耆舊得邑之英毅軒李子裴莊仇子近泉許子禮請以
董其事兩月而集成余公暇披閱三覆見風土之美山川
之秀賦役戶口之繁物產之衆官師人物之賢文章著述
之雅甲於他郡迺作而嘆曰沃古封國也肇自三代大盛
於春秋至今猶爲河東劇邑而無志焉斯不謂之缺典乎
廢而不舉有司責也將欲以三子之所成者壽之於梨又

新修曲沃縣志

舊志序

一

思今郡縣志卽古列國之史所以彰往察來別淑慝昭勸
懲也非可易易言者必廣詢博採而後無遺蹟循名責實
而後無訛傳義正詞確而後無贅語類序倫分而後無亂
章故其載欲悉其事欲核其書欲直否則疎也戾也支且
舛也志雖作不如其已此古文章之士操觚染翰千言可
立就至概之以史則雖學博二酉體具三長而於一字之
下未嘗不含毫閤筆遜其難而莫敢定顧余何人而敢當
茲任哉遂寢其事因循幾二載毅軒子復來請曰邑志前
此凡三作矣今皆隻字弗錄若再襲前愆恐九仞之功廢

於一簣之未成寧不爲智者惜乎余因其言而諦思之金匱石室之藏與堯夫野人之記滅否不同其趣一也矧我國家疆理海內曲沃去畿壤僅千餘里其民物之被德澤人材之沐教化亦深且久矣則夫紀述治功贊揚盛美亦有司奉職之義也是以忘其謏劣取三子之錄間以已意繁冗者刪之失次者定之缺略者補之事類之不係乎本縣無關於名教者削之總其綱則有八析其目四十有六平帙分爲上下二卷大率從三子之筆而補偏救弊之論毅軒子爲居多皆矢志心秉公守正不阿據古今之跡考名

新修曲沃縣志

舊志序

三

實之副共求爲實錄以示存羊之志云爾若曰明軌憲章崇教樹風義足追古文可傳後繼成一邑之典又俟夫後之長於史才者而予固非其人矣

沃史舊序

萬歷四十年壬子

解元進士 李尙思 晉峰 吏部侍郎 邑人

曲沃之有志也自恩縣劉侯始今雍邱趙侯起寶坻令來沃甫下車卽慨然前志乃屬邑博王君曰俞萃文學閭生重光梁生士毅劉生靖國因生貳卿等分類編纂語語皆由於初名之曰沃史而問序於余昔者成周建國各有專官以職紀載則爲史臣乃子輿於千八百國中僅舉晉乘

楚檇杙以證魯史春秋則知善史之良難今之邑志國史之遺意也語有之士生人人生事事生志志一出而人畏志乃懼事是故董狐之筆可信而懲可懲而勸侯之意實寄之沃史哉沃自晉昭侯封桓叔乃有今名而繼世號多事建新城之後恭世子經於譖然終晉世猶遞有弑奪而隨分於魏終入於秦爲左邑漢元鼎間爲聞喜而建武又爲絳至後魏而復今名名何以仍曲沃也謂膏膺猶故也而侯則謂石田多而軍興重民以賈而輕去其鄉泰山婺婦不畏虎而畏政其意欸欸在民矣卽山川建置方域物

新修曲沃縣志

舊志序

三

產亦必宣氓隸之鬱若痲痺之在身焉見其表則重秩官見其攷則重風俗見其志則重人物見其傳則重檇杙若曰凡爲秩官者悉爲民有者也一不穀其謂民何民以習成釀爲風俗人物先民之典型而檇杙其攷鑿者也侯之評邑令有官卽微人豈微官負人人負官之論言言斧鉞讀之凜凜則侯之入於民者可知是信史也人比之春秋而實沃侯之政記也或惜侯才賸三長乃不爲史而爲吏然人人循良而天下治人人操不律而民亦安所寄生死乎侯抱直突之慮而情見乎詞能爲千古徵文獻又何吏

之不爲史也沃之史前無作者有之自雍邱趙侯始則其書不直可上追晉之乘哉

復修沃史序

康熙七年戊申

邑令

周

鉞

莆田

曲沃之志創於嘉靖恩縣之劉成於萬歷杞縣之趙至我皇清康熙丙午署沃今衡陽太守張公銳然邑乘按圖考狀徵故采謹其經鄉先生之耳目士大夫之口吻者業核其詳無亥豕魯魚之訛也凡土疆之分合山川之流峙道路之通達風俗之隆替物產之登耗邑里之興廢賢科人物宦跡官師靡不包括無遺而復以雲漢昭回之章冠焉咫尺

新修曲沃縣志

舊志序

四

之編識大舉細彰往古而揭來今厥功金石與並矣余不敏承乏椒聊之墟夙夜在公拮据民事於鉛槧文獻懼蕩蕪不逮溪刻徒勞不敢作拈毫想茲沃邑之老成具瞻裁衡鉅典則大師相大司馬謂志之藝文一卷所以彰符采也而文多挂漏卽靈光一碑讀之輝光四映者竟置不錄屬余以校搜之役因不敢避炎暑尋巖岫之迹求鄴架之藏兩旬而殺青乃竟剗劂將竣惟舊史內自唐宋金元明之有目無文者間爲補足其

國朝諸家詩文咸已鐫石而藝文則差有可觀刻有成本因

弁數語以志其勩云

舊志序

康熙四十五年丙戌

邑令潘

錦崇安

曲沃舊志五卷明嘉靖間縣令劉公魯生所修也萬歷間知縣趙公彥復增爲二十六卷名曰沃史

本朝攝縣事太原司馬大梁張君奇勛因沃史舊文重加編輯爲二十五卷前合莆田周公鉞別綴藝文若干首書始出或病其言不雅馴詮次紕繆有志者每欲起而正之余嘗讀是編自愧見聞謏劣不能窺作者旨趣然於標目頗竊疑之蓋古者諸侯各以其年紀元故列國有史如齊之有

新修曲沃縣志

舊志序

五

南史晉之有董狐是也自封建改爲郡縣禮樂法度一稟章程無敢私議於室卽稗官野史同於齊諧君子猶或非之况一邑之紀載儼然自命爲史乎故嘗過不自料輒與邑中同志取曩時舊志別爲義例增損彙括闕者補之繁者約之平心商確一衷諸道名曰曲沃縣志蓋所以繼前賢未竟之志竊附於張周二君子纂輯之末非敢爲作也後之君子本是編而參考互訂別展心裁勒爲一書光諸國門余又竊有望焉

曲沃縣志序

乾隆戊寅

邑令

張

坊

和五
淵溥

宜與儲六雅先生修山西通志成書坊時在京邸遊太僕師門受而閱之立論有典則而辨證一志剖疑摘要見未曾有至散見各邑若彼此相牴牾先生則并兩說存之因就正請益謂修省志徵之縣志也辨其大綱耳餘則三晉廣矣勢不能如盧敖之窮遊穆滿之徧歷身親目擊真知確見握管時能以此邦文獻而臆斷其有無可乎解人知之矣坊時爲之心折夫志以昭信亦以醒疑民牧者爲人師長將以醒羣疑也必足之所履目之所經能指畫其山川都邑形勢建置胸有成竹而後迺可醒羣疑而千古因

新修曲沃縣志

舊志序

六

仍沿革之說亦不致任人秉筆恣憑而罕所抉摘曲沃屏鄆太行襟帶汾滄稱平絳劇縣舊矣風俗之儉樸財貨之衍奧冠紳文藻之彬雅都蔚自明迄今來合茲邑者先後皆纂錄如周書鄭志史胥藏之用昭一邑大概矣蓋志乘之修廢與政治之張弛實相爲表裡今去雍邱趙君修沃史時百五十八年卽崇安潘君修縣志亦五十有二年稽之外史掌邦國之志每歲詔登相去久遠則編其戶籍之登耗上其生齒之繁寡酌其徭役之勞逸經其渠堰之蓄洩踵前人功鑿然使不磨余也何敢多讓願志以垂信而

剖疑余來沃凡沃所當爲不惜謗劣每舉而正之然三年
中所疑而莫釋者獨曲沃新田之故墟恒輻轉而不能申
其辨嘗考之先儒注疏前代著述皆稱古曲沃在闕里新
田在今曲沃坊以形勢推度山川區畫古曲沃不當逾絳
山汾澮以南新田豈宜仍遷沃城爲一地卽兩邑之間人
如二李者互載辨證然皆無地以處新田此千古以曲沃
爲疑案相沿而不改熒惑將終古焉會歲丁丑邑人以移
驛之舉欣然請重修縣志余乃以平昔所問學參之三十
年之閱歷遠稽近徵彰明較著指侯馬爲新田古城爲曲

新修曲沃縣志

舊志序

七

沃今治爲新城陳書賢之繪圖考之作徵辨之徧質諸士
夫英耄怡然渙然冰解心服乃知尙論當具隻眼立說需
有確據臆斷者何能操邑乘之觚未嘗不往復六雅先生
之言之有旨也坊惟曲沃新田在成周爲封國及隸平絳
稱雄望古籍昭然煌煌乎大邦也哉乃不採經傳不辨故
址不核名義非地負人實人負地讀書稽古之謂何然饒
於古而略於治將人民社稷豈能以不治治之耶故華藻
之以文章根據之以事跡尤舉治化所切要者而書之然
後羣知趨向斯三千年之名區勝地不淪於蔓草荒烟億

萬載之學士文人皆自明於光天化日之下矣古者輶軒採風其典雖廢稽雍正七年

詔各省修通志以備一統志之採擇今卷帙裒然凡郡邑之所撰輯皆若金鑑南車而坊也遭逢

明聖分符古邑職宜以文章報稱備內外史考而潤色休明黼黻

皇猷顧敢稍自暇逸不力爲考信以昭示吾民而剖厥疑於來許也耶

續修曲沃縣志序

嘉慶二年丁巳

邑令

侯長燾 郟城

新修曲沃縣志

舊志序

八

自古著述創始者難繼起者易如班孟堅之作漢書尙多本於子長未免剽竊他可知矣沃自漢唐以後鮮有傳述至前明邑令劉魯生始立志乘歷趙潘諸人漸次增補及乾隆戊寅湘潭張和五合此邑復加釐訂考古証今辨侯馬爲新田歸蒙驛於太平不獨較前志爲大備而有功於斯土者實多不幾美而難繼歟然戶口有登耗賦役有繁簡人文之叠興不一列女之接踵偏多數十年來雖山川如故城郭依然而養民育士之規果前後一轍乎揆文奮武之制將今昔無殊乎昔馬端臨云常恐一朝散佚失墜

無以屬來哲誠確論也况栽培久則賢哲之累累相望者
當日增也教化彰則風節之皦皦不汙者何可沒也卽經
術節吏治文章蔚國華其炳炳燁燁足以信今而傳後者
又烏可磨滅哉當此

重熙累洽

景運日隆官斯土者竟墨守陳編曰循退廢坐使數十年之故
實不爲編續更數十年或湮沒罕傳咎將誰歸顧戊寅以
後之事蹟固應詳明而戊寅以前之簡編亦須精審是以
刪繁剔冗非但爲前人情筆墨亦將爲後此留地步蓋義

新修曲沃縣志

舊志序

九

主於續斯難已於修也余於乙卯承乏茲邑稟明

各憲批允續修惟才本謏陋兼二十餘年阻勉吏事更多荒
落爰與石外翰並都人士參互考訂分門別類纂輯成編
不過曰續修較易可備後來稽攷至若成師之封國景公
之遷都悼平之繼霸主盟與夫列國名卿公子聘問大有
可紀者前志已詳言之不敢復贅一詞云

總裁

兵部侍郎兼都察院右副都御史巡撫山西兼管提督鹽課印務節制太原城守尉備浙總督兼管

刑科給事中提督山西全省學政加三級紀錄五次 梁萼涵

山西等處承宣布政使司布政使加五級紀錄十次 喬用遷

山西等處提刑按察使司按察使總理通省驛傳事務加五級紀錄十次 羅繞典

署理山西等處提刑按察使司按察使分守冀寧道加五級紀錄十次 姜 梅

山西河東鹽法兵備道陞任直隸等處提刑按察使司按察使重功隨帶加三級紀錄五次 文 柱

特授河東平蒲霍絳隰地方兵備 道 徐澤醇

新修曲沃縣志

官銜

署理山西河東鹽法兵備道寧武府知府加五級紀錄十次 李光涵

山西平陽府知府隨帶加二級紀錄四次 勞崇光

署山西平陽府知府太原府同知加五級隨帶軍功加一級紀錄十次 李孔淳

山西平陽府總捕水利同知加五級紀錄二十次 聯 綬

山西平陽府督糧通判加五級紀錄十次 史敬程

纂修

山西平陽府曲沃縣知縣前翰林院庶吉士加七級紀錄十三次 張兆衡

協修

山西汾州府臨縣知縣前署曲沃縣事乙未進士加三級紀錄五次 黃廷範

收掌

曲沃縣儒學教諭戊寅科舉人魏懸書

署曲沃縣儒學教諭武謙

曲沃縣儒學訓導呂振鐸

邑孝廉方正前任安徽徽州府通判候選知州許濂

邑庠齋室優行廩生仇步衢

監造

曲沃縣侯馬鎮巡檢劉名義

曲沃縣典史洪忠連

新修曲沃縣志

官銜 二

署曲沃縣典史段英傑

採訪

邑庠廩生衛琪樹

邑增貢生李喬峰

邑州同知張紱

邑監生蘇仰伊

邑監生衛伯熊

邑州同知王體直

邑布政司經歷許滿